

ادبیات عمومی و کجیرمشی

هفته لوق سیاسی ، ادبی و علمی غزته در .

جلد : ۱

سنه : ۱ ۲ جمادی الاولی ۱۳۳۵ جمعه ایرتسی ۱۱ شباط ۱۳۳۲ نومرو ۱۷

[مجموعه من ، رشاد نوری بکک بو کوزل و مکمل مقاله سنی نشر ایله ، قارئیرینه ادبیاتک اهل ایدلش بعض حقائقنی عرض ایدر .]

ادبیات ملیه مسئله سی

۳

الهام

اولکی مقاله لرده شکل مسئله سنی کوزدن کجیرمش ، لسان و وزنده ساده بیکه دوغری بر تمایل کورولدیکنی قید ایتشدک . بو تمایلی تفسیر ایتک لازم کلیرسه ظن ایدرم اک عقله یاقین فرضیه شو اولور : شکل غایه موقعندن واسطه موقعنه ایدور . تحسس و تحیل ذوقی لسان واسلوب معمارینسک تأمین ایتدیکی ذوقه تفوق ایدیور و بالنتیجه شکل و روح آره سنده بر یاقینلق وجوده کله که باشلا یور . بو حرکتک ایکسینک تمامیه بر اولماسیله نتیجه لیمه سی و لسان مسئله سنکده بو صورتله کندیلکندن حل اولماسی پک ممکندر .

بو مقاله ده روح و الهام اعتباریله ادبیاتده ملیتک نه اولدیغنی ، نظریه و قاعده ایله الهامزه بر استقامت و یرمک ممکن اولوب اولمایه جغنی تدقیقه چالیشه جغز .

* *

ادبی اثرلر قوای روحیه دن هانکیلرینک ، نه صورتله ایشلمه لرندن دوغار؟ مقصده وارمق ایچون اول بو نقطه یی - ولوکه اک بسیط شکلنده - کوزدن کجیرمک ایجاب ایدر . ادبی اثر یازمق عملیه سنده نظردقته آلنه جق ایکی جهت واردر : اول صنعتکارک فکرلری که یونلری مدخر بر سرمایه یه تشبیه ایده بیلیرز . ثانیاً : فکرلرینک بر برلرینی دعوت ایتسی ، بر برلرینه زنجیر لیمه سی حادثه سی که بو کاده « الهام » دییه جکز . یونلردن برنجیسی بر وارلق ، ایکنجیسی بر فعلدر .

شیمدی فکر و الهامی صیره ایله تدقیق ایدلم .

علم روحده کی « فکر » کله سینک قونوشورکن قوللاندیغمز « فکر » سوزندن دهها واسع بر معناسی واردر ، اونک ایچون بو کله اوزرنده بر آرز دورا جغز .

جوایس خیمه واسطه سیله خارجدن آلدیغمز احساساتک خاطره لرینه « خیال - image » دینیورم

ابن موسی دن :

[نوزادینک قتلندن صکره تینن

ایدن « امالاعصام » لسانندن]

قانه بوغدیله ، دها سوت طآءه دن ؛
 طوپراغه دوشدی ، قوجاقده یآءه دن .
 خالق هنوز تمام یارآءه دن
 آوردی قزمی دهشتلی بر ایصلیق [۱] .

*

*

گوردم کوچوچک قلبنده خنچری !
 گیجه یاریسی گیدیلر ایچری .
 آقبور ییخه اوگیجه دن بری ،
 دوکدکری قان فقط بر طامله جق !

*

*

سکا قزم هپ مالکر اغلاسون
 قوشلر اغلاسون ، چیچکلر اغلاسون ،
 گوک یوزنده کی شمشکر اغلاسون ،
 یرده دوشمسون یلدریم لر آرتق !

* عبدالحی همام

[۱] قاتلر بر ایصلیق صداسنی متعاقب قتلی اجرا ایلشردی .

ترنم

نظیرک یوق سنک ای ماه یرده
 آرار گوکلم سنی سیاره لرده
 باقار افلاکه دوغرو آه ایدرده

آرار گوکلم سنی سیاره لرده

شکوه حسنکی صورمقده یم بن
 عطارددن ، سهادن ، مشربدن
 زخلی ، زهره می ، بیلم نه سین سن

آرار گوکلم سنی سیاره لرده

۷ ایلول ۱۳۱۵

م . رشیدی